

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（76）



國家圖書館出版社

中國地方志佛道教文獻匯纂·人物卷
江西省 撫州市

金谿縣志

清·王有年纂

清康熙十一年（一六七二）修
二十一年（一六八二）刻本

華界期志

卷八

方外

唐劉仙王

劉仙王唐武后天冊時居銅斗山能呼吸生風雲每爲邑人所雨多應因稱爲行雨仙有塋墓在銅斗又常與道士劉載游載住梅峰常吹鐵笛呼雨立至

疎山圓照大師

師名匡仁吉州新淦人洞山价禪師法嗣也初投本州元證禪師出家一日告其師往東都聽習經歲忽曰羣行數墨語不如嘿捨已求人假不如真遂棄去時悟本真价禪師大闡青原教于瑞州之洞山師往事焉遂傳其法後叅潭州大潁又叅福州安和尚寔後與婺州明

報謙和尚深相印契復爲香嚴指示千聖不搏之旨觸
處圓通唐末危全諷爲撫州刺史創疎山白雲禪院延
師住持白雲者師初住巴山故號也住山弘法開引來
學嘗以木簾三尺許刻爲人首蛇身號曹家女以待叩
擊臨遷化有偈示衆曰我路碧空外白雲無處開世有
無根樹黃葉風送還偈終而逝塋于本山師爲人短小
香嚴嘗稱爲矮師叔世遂仍其稱云嗣法者凡三十人
載傳燈錄本山證禪師其一也在宋有了常禪師歸雲
如本禪師皆疎山之龍象焉

宋楊文愿

楊文愿邑人治形象言善相塚卜宅之術初建縣時謂
邑有瘟瘟山居民多疫愿宜有以厭之乃种豫樟七十
二株以節七十二侯鑿井二十四所以調二十四氣營
縣治于錦繡之陽肇開規模皆出其手堂構成而卒葬
于門內右方邑人立廟墓前以祀稱楊院使廟院使者
或沒後封號然不可考矣廟今廢墓亦無封樹土地廟
右是也歲清明有司致祭命吏攝祀

徐因默

徐因字因默蒲塘人生宋淳祐間自幼左手拘攣右足跛蓬髮歷齒人以徐瘋子呼之敝衣垢面逢人則笑有時野外大哭而歸人問其故答曰我自有感云已而歲有禳疫輒先知言必驗春正月上元隱几睡熟久乃覺族子問曰適屢呼不覺何也答曰自閩中邵武過錢塘觀燈爲二三同行者所持故不覺族子曰有是哉可攜我輩行否因默曰可乃令衆族子就隱几睡戒勿開聽衆如約但聞天風披拂衣鬢少頃至杭州燈綵皆尚純繪散步蕪堤見其族人客遊杭州者各致詢問衆復語

因默曰不識尚可至邵武否因默曰邵武珠燈甚精試
一往焉須臾去杭抵邵珠綵絡索煥麗城中衆皆厭玩
思歸一人忽開曉卽墮途中餘皆就几上覺焉其墮者
歷旬日始歸人由是知其有仙術後委蛻于武夷黃卓
峰遊武夷尚親兄其蛻有徐因默之碑在

劉中宮

中宮禪師姓劉宋時自蜀來結茆厓山山有深潭龍居
之民苦旱乞雨師曰今歲數不當雨吾聞汝貧纔足沾
甕畦而已已而果然他日師入潭中遺履石上有余安

者守其優俟之七日師自外至謂曰汝可謂誠篤問其所欲曰吾惟嗜鴨自是命禱雨者必先以鴨祭爰乃雨嘗謁撫州守書判曰紫龍僧守惡其幻詰曰龍安在師曰公勿驚以金盞盛水探懷中若朽草置水中風雨大至龍飛躍而去或曰白馬永和鄉有中宮寺寺有龍井相傳高僧姓劉號中宮聞谿有中宮寺遂卜居焉有紫龍術屢爲民禱雨輒應云

王禪師

宋志載王禪師有梵行每天旱爲民禱雨輒應有富民

胡五獨不信向時大旱里人拜告禪師曰勿以胡五故
苦我一里禪師笑曰我何能爲雨且胡五田亦復幾何
里人曰胡五四連阡陌里中更無出其右者師笑曰試
爲我插竿驗之於是競以竿志其田師乃登壇召雨里
人羅拜胡五旁睨自若少頃雨如注田疇沾足獨插竿
處滴雨不及由是益敬禪師至今各寺院皆設禪師
像遇旱猶虔禱如故事

蟻衣禪師

翁塘有蟻衣禪師廟師不知何許人相傳里人常靜夜

聞地中有梵唄聲跡之志其處比明掘之得瓦缸坐覆一僧入定未出蟻集周身若衣還復土覆之因號爲蟻衣禪師創廟肖其像祀之

文惠

文惠大師者彭氏名惠嚴出家寶應寺時韓陵陽駒客寓此寺每賦詩師從旁諦聽韓曰須吟盡龜惡而後可施符鎚自是有能詩聲鄉人李侍郎浩時爲中都官朝士問曰斷橋橫略約支逕入招提此臨川嚴上人詩耶李曰是特虎豹一斑耳後悟曰文字特綺語業耳乃棄

世筆研淳熙中常平使者陸游延師至行臺問詩笑而
不答

明曾易明

曾易明者山人也景泰中嘗遇異僧授以堪輿家術每
爲人卜地衰旺興廢輒先處其年月日時曰後當然已
而果然易明亦自重其術臨川有饒氏者知之館穀于
家三年事之特謹然終不敢以地請完後易明乃指示
曰某可墳某可宅卒賴其力或以貴富傲之卽予重賄
拂衣弗顧易明不娶妻無子能辟穀不知所終

王仍六

王仍六名元王方伯從祖也豹頭虬髯瞳樞電轉如世
所繪張道陵狀好道術不事家人產業延攬四方黃冠
羽流無虛日家素豐遂以此傾其貲後遇異人盡傳其
符籙方書能役使神物爲人治病禁鬼有殊驗遠近服
之如神邑大旱令召祈雨而不加禮乃與令約露禱壇
下雨乃降遂登壇嘿坐令暴烈日中故遲之度田久劒
一擊陰雲四合雷電交作屋瓦皆飛大雨如注令不及
避而沒至膝乃止遠近益奇其術然家益落無世業

者曾孫性二十狀貌酷肖厥祖獨不好道壽至百歲當其八九十時猶數御女走及奔馬目辨秋毫初不知有服食導引事生平寡疾亦不餌藥特不飲酒爲差異耳其享期願殆天授云

龔應賢

太醫院吏目龔應賢者下泚里人也父信世以醫爲業賢幼穎異習儒弗効慨然曰吾志用世以濟斯民數奇不偶天也古良醫濟世功與良相等况世其家乎遂博攷古方書自岐黃以來張李劉朱四家之學莫不窮源

竟委拆與抉疑貫穿融洽臨症談治復以已意佐驗損益按方寸七莫不霍然起危病痼疾治益精良言人五臟癥結之故決生死莫不奇中間遊大梁方病疫連染間巷有闔戶蟲出者時醫循古法治弗應賢以已意立方所活無算于是名噪中州周藩及中州士大夫莫不交歡恐後也相國高新鄭聞而禮聘至京京師醫林立馳聲譽操短長思與賢角賢至莫不目眩然而不瞋舌橋然而不下於是名動京師如中州時定西侯蔣公授以左府教胄而大司寇三川劉公復薦爲太醫院吏目